

薊州志卷之七

知薊州事歸安沈 銳重纂

名宦志

名者實之賔也有千百世之令名必有千百世之豐功偉烈始足以信一時而傳後世不然當世則榮沒則已焉安在其繫思不置哉薊爲古名郡任司土者代有偉人或以廉介著或以慈惠著或以才能著或以剛方不遜權貴著位無論乎尊卑職無分乎大小俱有實心實政以遺愛於斯愛斯慕慕斯傳矣嗟乎麥岐欣誦竹馬歡迎固已炳照

薊州志

卷之七

都督節度使

一

千古今復登諸志乘非徒侈口碑也抑使後之人聞風景仰慨然生慕知前徽爲繼起之師耳志名宦

都督節度使

晉

劉 琨中山魏昌人漢中山靜王勝之後永嘉二年都督并幽薊三州諸軍事與段匹磾約爲兄弟同獎王室元帝中興加琨太尉後爲匹磾所拘忌而殺之追謚曰愍西晉之末忘身赴難者維琨與嵇紹祖逖數人而已志雖不就時哀惜之

唐

張說

見木傳

狄仁傑并州人武后時拜幽州都督賜紫袍龜帶後自製

金字十二以族其忠

宋 璟南和人睿宗朝拜幽州都統有威名

孫 佺汝州郟城人宰相處約子延和初爲羽林將軍幽

州都督率兵十二萬討奚李大酺次冷硯爲所敗

與付將周以悌同見獲送默啜所被害

張守珪陝州人開元初爲幽州良杜府果毅時盧齊卿爲

薊州志

卷之七

都督節度使

二

刺史器之引與同榻曰不十年當節度是州后果

爲幽州長史守邊破賊朝廷嘉之立名紀功

元

張 滋宛平人勸農桑抑游惰懲兇暴扶良善翕然稱治

明

徐 達鳳陽人洪武初以大將軍平定北都禁戰軍士人

民安業后留鎮燕薊民請立廟報功賜額曰顯功

閻 本關中人天順中擢僉都御史撫薊有貂璫怙權擅

斂椽史舞文憲本盡法處之因是被讒稱疾致仕

楊 兆膚施人由僉都御史撫薊陞總督和輯軍民悉心
邊務政暇酒墨作竹極烟雨之態

徐 懷嚴州人宏治間由副都御史撫薊時幾內大荒疏
請京通薊三倉米五萬石計口賑給又疏借內帑
充糴以備後患畿民賴之

洪 鐘錢塘人宏治中由副都御史撫薊築邊牆繕城堡
自山海抵居庸凡二百七十餘處減防秋官兵六
千人歲省挽輸萬計

楊 博蒲州人嘉靖中總督薊遼軍務把都兒及打來孫
薊州志 卷之七 都督節度使 三

十萬騎犯薊鎮博環甲登陴督諸軍力戰斬獲無
算文募死士持火器夜驚其營一夕四五起寇自
相蹂躪比明悉遁去論功加太子太保

譚 綸宜黃人隆慶初總督薊遼軍務疏請設鎮三營分
駐密雲遵化三屯以戚繼光總理之復請築敵臺
三千自居庸東距山海斥堠相望邊備大飭

戚繼光 見明史本傳

兵道

張璉彭城衛人進士弘治年任克修憲體決訟詳明士庶傾心豪權斂跡

錢承德江蘇常熟人進士弘治年任文藻天然興學勸士除惡如鷲御下以嚴人心感悅思之不忘

何琛成都衛人進士弘治年任清儉持身躬行勵物寬猛相濟經理皆周仕至湖廣布政使

朱澆陽朔縣人進士正德年任培植學校撫育羣黎惟公惟明不茹不吐當權奸用事之際不能撓其剛

薊州志

卷之七

兵道

四

直公之嗣鸞學鄉試鵬成進士此天之所以報善人也

徐學古河南洛陽人進士嘉靖年任氣度豁達才猷風勵留心軍務掃除積弊後轉易州道士民皆泣送爲之建祠

吳兌浙江山陰人進士隆慶間由郎中遷薊州兵備副使萬曆九年復總督薊遼軍務時土蠻爲患兌有智計操縱馴伏之邊疆賴安軍民隱受其福

吳中明安徽歙縣人進士萬曆年任剛直廉介大節凜然

爲民謀則禍福不計執國法雖權貴不阿自給牛
種勸開荒代民當驛橫使斂跡陞任而行不特士
民號痛卽樵夫牧豎亦必墮淚其德澤之入人深
者有如此

邵可立河南商邱人進士萬曆年任秉公持正節用時使
其惠政之及於民者不可勝數大要與吳公相頡
頑後陞山西左布政使行之日士民泣送至七十
里外而別公父爲雞澤令亦有善政邑人立去思
碑公母以苦孝聞

薊州志

卷之七

兵道

五

王繼謨府谷縣人進士天啟年任性鯁量宏所歷諸仕皆
有賢聲而更有功於薊值魏黨橫行之日公能潔
然高立毫不染污終得安全非通變之君子不能
及也

胡士容廣濟縣人進士天啟年任守介心慈均徭釐弊因
忤魏黨而左遷行至潞河被逮士民寃之

分司

王 楫虹縣人進士成化年任秉性端直操守嚴毅籌謀
多畧輓運無愆人皆頌其德

王 勒遂寧縣人進士弘治年任身如鼎重心似冰清國
帑不糜軍需常足裕國利軍之奇才也

劉 乾靖江縣人進士正德年任居官廉而恕蒞政公且
平運舶如流軍儲克濟陞尚寶寺少卿

劉 悅江夏縣人進士正德年任爲人質實處事明斷加
意軍民不畏權勢陞南直隸蘇州府知府

薊州志

卷之七

分司

六

李 緋固始縣人進士正德年任時值武宗幸薊供應甚
繁而地方無擾遇有貧士之喪必出資以助之乃
才德並隆故能及此

曹 麟黃梅縣人進士萬曆年任居官清白平易近人軍
民安堵士大夫皆樂就之轉天津副使

王于陞朝邑縣人進士萬曆年任氣局嶙峋丰神卓偉清
稽主客之糧克濟軍國之務仕優而學以文會友
一時鄉試聯翩益見公作人之化

李乃蘭招遠縣人進士萬曆年任深沉博大出納均平屯

餘飽挾纒之恩貔貅沐投醪之惠餘時必執經課

士其春風化雨之德令人思之不忘

霍允猷曲周縣人進士天啟年任仁心接下苦志籌儲不

推士馬飽騰卽閉戶寒生亦披襟相禮

知州

漢

彭 寵南陽人守漁陽值王朗猖獗聽耿况謀發兵使吳漢等殺王朗將趙閔以應光武

吳 漢南陽人鎮守漁陽質厚少文勇而多智光武即位拜大司馬封廣平侯北邊肅清

朱 淳沛國人少有才幹爲幽州牧守薊門士心歸附後封武陽侯食三縣

薊州志

卷之七

知州

八

武微時見而異之既即位拜位郎中使守漁陽賞罰明信吏民悅服勸民開稻田八十餘頃故民皆家殷戶阜咸歌之曰桑無附枝麥秀兩岐張君爲政樂不可支視事八年垂名百世歷官至驃騎將軍

郭 伋扶風人乘王莽亂後養民訓兵開恩示信任漁陽太守五年盜靖烽息徵爲大中大夫賜賚甚厚俱散於宗族卒時年八十帝親臨弔祭

張 顯 人守漁陽時鮮卑入寇公領兵出塞追之遇

伏兵潰中流矢歿於陣璽書褒美賜錢六十萬以
其二子俱爲郎

鄧 訓鄧禹第六子將兵屯弧孛以防鮮卑撫恤邊民後
遷烏桓校尉軍民俱攜老幼從後鮮卑聞之慕其
義不敢近塞

王 暢山陽人負性清實交無私黨守漁陽時以嚴明稱
陳蕃薦之於朝曰王暢清方公正有不可犯之色
李 膺潁川人性簡元無所交接惟以同郡荀淑陳實爲
師友舉孝廉歷青州刺史遷守漁陽人皆奉令畏

薊州志

卷之七

知州

九

威

鮮于輔 人守漁陽時詔命公爲建忠將軍都督幽州
郡田豫說公曰曹氏奉天子以令諸侯終能定天
下宜早託之公乃率其衆以奉詔命

范 遷沛國人以智畧安邊千里無燧守漁陽五年遷司
徒有田一頃宅數畝不與己之子而與兄之子大
人曰君有四子無立錐之地可餘俸祿以爲後世
業公曰吾位居大臣而蓄財求利何以示後世

田 邑馮翊人爲漁陽太守繕甲養士扞禦多功邊靖民

安皆出其力

劉 虞東海郟人東海恭王之後初舉孝廉稍遷漁陽太守民夷感其德化自鮮卑烏桓夫餘歲貊之輩皆隨時朝貢無擾邊者公事去官中平初拜甘陵相遷宗正五年復拜幽州牧到薊罷省屯兵務廣恩信平張舉張純晉太尉封容邱侯朝廷當董卓之亂韓馥袁紹等欲立爲主遣使上尊號虞叱斥之又請領尚書事承制封拜復不聽收斬使人乃遣田疇鮮于銀蒙險間行奉使長安后討公孫瓚爲

薊州志

卷之七

知州

十

瓚所殺虞性節儉敝衣繩履食無兼肉遠近豪俊凡僭奢者莫不改操歸心以恩得衆懷被北州及死之日百姓流淚咸深痛惜焉

晉

王 他 人守郡時幽州將慕容雋率兵來伐次於無終刺史王午棄城遁去公固守城陷死之

張 平方城人爲郡守卓有政聲其子華學博詞麗阮籍稱其爲王佐才

段匹磾鮮卑人風氣健勁世爲大夫其父務勿塵遣兵助

東海王越有功王浚表爲遼西公以女嫁之結爲
隣援懷宗時以務勿塵爲大單于段匹磾爲佐賢
王後王浚敗段匹磾領刺史事守漁陽劉琨依之
與結盟好同討石勒

北魏

李 崇范陽人爲幽州刺史子訢文成時爲儀曹尚書出
領相州遷司空自有傳

金

賽典赤 人爲州守興利除害省徭薄賦百姓賴之去

薊州志

卷之七

知州

十一

之曰民爲之立賢牧碑

温迪罕十方奴雞澤縣令

蒲察弘舍安盤軍節度判官奉命同十方奴守薊州元兵
至衆潰去二公死之詔贈温迪罕十方奴爲鎮國
上將軍薊州刺史蒲察弘舍爲紫金光祿大夫薊
州刺史樹碑時祭

元

韓若愚保定滿城人由通惠河道所都事開河有功陞知
薊州改中書左司都事洵歷侍郎尚書文宗平內

難盡策中機進資政大夫經淮西江北道廉訪使
追封南陽公謚貞肅

耶律有尚遼金丹王十世孫祖父在金世嘗官於東平因
家焉遂爲東平人篤志好學受業許衡邃於性理
由秘書監丞出知薊州爲政寬簡得民情內遷居
事院長史歷昭文館大學士兼國子祭酒前後五
居國學卒年八十六賜謚文正

趙伯敬密雲人知薊州事守己以謙律身以廉撫下則用
仁義修文廟以興教化士民感之

薊州志

卷之七

知州

十一

法都忽刺蒙古人敦教養課農桑儲義廩均賦役簡詞訟
省冗累扶善類鋤兇奸吏畏民安擢爲御史百姓
樹碑以頌其德

明

霍萃光 人急於撫字緩於催科百姓安業後遷御史
史 素山西人勤慎有爲多所營建均平徭役作興學校
百姓賴之後陞知府

汪 溥績溪縣人舉人弘治年任有學行善詩文爲政平
明飭以經術革吏弊均徭役修學宮纂志書選生

員數十人自授講讀後各有成斯時甲第之盛前
後莫倫九年考績民爭保留復任三載陞慶遠府
知府士民思之不忘

劉 愷滁州人進士弘治年任公先任御史謫知縣陞知
州爲政剛斷明敏吏畏其威民懷其德後陞福建
按察司僉事

馮 琨江南崑山縣人舉人弘治年任存心清慎遇事敢
爲愛民課士綽有古風嘗辦草場得罪於權要逮
錦衣獄二次正氣不撓事賴以白旋官至山東登

薊州志

卷之七

知州

十三

州府知府

王 浚建德縣人進士弘治年任時值權奸用事人心搖
惑公爲政惟尚通和鎮以安靜士民至今藉藉稱
道公之德政焉

蔣士元南直隸人舉人萬历年任任慈祥愷悌撫字多方凡
事必持大體與民相安無事陞山東濟南府同知
陳良知山東人舉人萬历年任端方清介視國猶家愛民
如子其自奉之薄同於寒士

呂繼梗浙江人舉人萬历年任恂恂雅飭氣度温純其待

民從無疾言厲色百姓頌之爲眞父母

賈 璿陝西人歲貢萬曆年任溫潤和平訟清政簡日延父老詢民疾苦凡有不便於民者爲當道力陳其狀以期必去而後已陞山西大同府同知

周一史山東人舉人萬曆年任爲人深沉博大悉心課士一意爲民人咸思之而不忘

鄭爵魁龍溪縣人舉人天啟年任秉性惻怛才思敏捷洗剔吏弊剪除民豪因王事多端不遑暇日嘔血數升而卒士民痛之

薊州志

卷之七

知州

十四

王宏祚雲南人舉人崇禎年任溫厚謹恪重士惜民眞良牧也歷官戶部尙書

國朝

王 皞山西人貢士順治年任時值兵革之後公精明果斷吏不能欺正供賴以詳明驛遞得以無擾節省千金欲修公署雖因去任未得興舉而修葺之資實爲公之所遺

于際清掖縣人遼陽籍貢生順治年任多才幹恤士民地方利無不興弊無不除修公署建學宮凡事之大

綱皆賴公爲之振起民甚賴之陞山東濟南府知府有碑記載藝文志中

黃家棟奉天人舉人順治年任修鼓樓課士子有古遺直風

游啟運湖廣人拔貢順治年任優禮儒生慈愛百姓去之日士民沿途奔送如失父母非得民心之深不能致此

胡國佐奉天人廕生康熙三年任寬嚴相濟恩威並施人惟感其德而忘其嚴修理學宮恤士愛民陞湖廣

薊州志

卷之七

知州

十五

德安府同知行之日士民攀轅號泣隨送不忍捨有碑記載藝文志中

余時進正藍旗外郎康熙十三年任爲人寬和臨政清簡重修

啟聖祠及明倫堂陞長蘆鹽運司同知

董廷恩奉天人廕生康熙十六年任爲人和藹遇事敢爲修儒學之戟門及鄉賢祠又修州志陞戶部員外

郎歷湖廣衡永彬道終湖廣湖南按察使

張朝琮浙江蕭山人例監康熙三十三年任公奉

旨持簡來守漁陽下車之後革除火耗禁止陋規遏抑豪強屏絕私派時學宮鼓樓西門甕城俱傾圮公鳩工庀材倡捐修葺仍復舊觀丙子丁丑歲疫民飢公設廠城鄉捐米賑粥冬寒無完襟者製棉衣衣之歲歲相因民得全活者無算奉文借災民倉糧不能完者二百石有奇公如數代賠實廩城中無力讀書子弟設義學供修脯延宿儒以訓迪之而文風丕振歲庚辰丁憂去任士民德之數百人詣

闕叩留公遇於潞河力止不果立去思碑於西郭之外以志

薊州志

卷之七

知州

十六

不忘

梁肯堂浙江錢塘人舉人乾隆年間來知薊州政務簡易事宗大體郡人思其德爲立祠於廣福寺西後公命改爲書院其德澤在人可知歷任直隸總督刑部尚書歸老西湖

趙錫 山東冠縣人拔貢生嘉慶九年來知州事旋以艱去十五年奏文重守漁陽興利去弊政尚寬簡薊之租賦火耗繁重黎民若之公力除十之六七且念化民莫先於興學復修葺 學宮以敢化本

同知

方 景淳安縣人進士初任行人轉同知州事居官廉靜
不解逢迎愛民如子丁母艱去百姓遮道留之

梁 誠武城縣人舉人爲政不以矯飾惟知愛民爲本後
卒於官民甚思之

楊 通蒲州人監生居官有力量故能令出必行陞陝西
鞏昌府通判

周 臣南通州人進士由主事謫同知州事恢宏有守剗
削弊政摘奸發伏民無隱情州學素隘公捐資買

薊州志

卷之七

同知

十七

房地三十間廣之以修尊經閣陞順天府推官民
懸涕送之

錢懋勛直隸人監生修髯偉幹望之玉立公勤清慎撫摩
民生郡人稱之爲賢佐

州判

李仲宣 人遼時爲州之軍事判官恤民愛士人皆稱
之爲賢佐

吳萬里 人永樂年任政事文才人莫能及後卒於官
民甚痛之

張 麒洪洞縣人持身清慎蒞事公明前後莫能與之匹
百姓咸稱之

馬 瑾嵐縣人爲政清靜有冰蘖之操

李振芳 人秉性簡易有溫良長者之風代理州篆興

薊州志

卷之七

州判

十八

衰舉廢一時釐然

學正

戎 深鄞縣人教誨諸生躬行倡率由是務學者衆科甲連縣皆其功也紳士感思之

武 勘臨淄縣人敬以持已忠以教人或曰前司教戎公教過嚴先生盍少濟以寬公喟然嘆曰學貴先收放心纔放則日卽於蕩矣必若子言恐誤來學言者媿服由是其教愈嚴門人登科甲者甚衆公爲禮記名家薊士習禮記自此時始

張 煥浮梁人舉人動靜語默皆無所苟文章德行足以

薊州志

卷之七

學正

十九

范人教訓生徒各因其材周給貧乏每竭其力死不能殮者倡義助之撫安交章薦舉

張鳴鳳清平人進士學問該博教法嚴明

朱守爲莆田人舉人經旨純熟師道尊嚴人才之盛有所

白云

沈宏業慶都人舉人雍容敦大不拘小節執經課士滿座春風月季考課自備酒饌以食生儒可謂慷慨而行其激勸者矣

莫天麒貴陽人舉人丰神穎異議論濤翻一時紳士仰之

如山斗

門洞開安平人舉人天性沉潛學識深邃校文課士寒暑
不輟誠足爲諸士範後魁於丙辰科文名大振

蘇爲悌棗強人舉人器識豪邁議論淵博禮接諸士藹然
之氣溢於眉宇陞國子監博士諸生祖餞師弟交
涕人不忍視

薊州志

卷之七

學正

二十

訓導

陳 溥樂安人舉人天資通敏志行潤達樂於誨人始終不倦

吳 化南昌人監生持身清慎文學老成勤於誨迪使人自勉

陳 瑄臨汾人監生孝以事親儉以治家士子仰之後陞教授

王 昺耀州人監生淡薄自甘殷勤教士去之日士皆泣送之

薊州志

卷之七

訓導

二十一

法 章扶風人監生明爽寬厚善於教人後以憂去

智秉乾真定人負資端雅接物和平諄然教法之勤無殊時雨之化其子五人悉登科貢

孟養氣棗強人歲貢以開爽之度運迅發之材循循善誘有關於師道大矣

李 樂廣平人歲貢慎密居心博洽爲學多士之蒙其教者後先騰躍作人之化詎不偉哉 轉教諭陞知

縣

衛所

衛 清華亭人代父戍河南以功授薊州衛百戶陞山東
都指揮僉事妖婦唐賽兒反賊將賁鴻等攻安邱
甚急公時備員倭海上聞信率千騎來救斬賊首
二千級生擒四千人事聞賜璽書褒美曰衛清進
不求名退不避罪惟民是保真將軍也陞都督僉
事

馬 麟靈壁人以金吾衛指揮使掌薊州衛事果敢有爲
軍士賴之其孫瑄讀書尚禮助木植修

薊州志

卷之七

衛所

二十二

文廟瑄子守備遵化上下交譽姪愷亦任叅將

毛 勝薊州人任都指揮使以平倭功封南寧伯

劉 勉薊州衛指揮僉事以廉介著稱陞掌錦衣衛事

劉 輔灤州人任鎮朔衛指揮使有才幹守備薊州興利
除害疏河修永濟橋及樵樓建鄒公祠後陞叅將

黃 寧薊州衛指揮同知爲人鯁直不避患難供藥濟人
時有豪軍楊信結黨十人阻河路人莫敢問公正
其罪肆之於市

郭 寧鎮朔衛指揮使貌偉才長任薊州永平守備人咸

稱之

龐 濟薊州衛鎮撫持身廉介遇事敢爲陞指揮同知守
備薊州恭謙特著節操彌堅

連 眞豐縣人鎮朔衛鎮撫爲人持重處事明決署都指
揮僉事禮賢愛下始終不倦更以戎政著聞

劉 榮灤州人營州右屯衛副千戶署指揮僉事任事勤
能政聲卓異軍民畏服

孫 杲鎮朔衛百戶持身清白處家勤儉以義自守勢要
莫奪其子在有乃父之風

薊州志

卷之七

衛所

二十三

胡 玉營州右屯衛千戶端謹廉潔勤於政事公餘卽讀
羣書以識古今事變

李 仁鎮朔衛百戶讀書不倦居官廉介事親以孝教子
以嚴

談 茂忠義中衛千戶正德時同田榮謝鐸領兵守馬蘭
峪陣歿

戴 廉鎮朔衛指揮有文武經緯全材初署衛篆後晉階
元戎鎮三屯營境內肅清

成 勳薊州衛百戶母感異夢而生賦性機警雄偉不凡

力能開數石弓以忠義存心陞掌衛篆歷任鎮守
屢獲大捷晉階光祿大夫誥封三代一品其子恩
大學士憲祭酒

張士顯鎮朔衛指揮使敏幹有爲鎮守潞陽誥封三世元
戎乃父弘化年已八旬安受祿養

蕭應兆薊州衛指揮使旣善韜畧更多技勇縮衛篆秉公
持介處已待人恂恂然有儒雅氣象陞眞定都闔
歷延綏遊擊

李時鎮朔衛指揮使秉性狷潔謹言慎動多有將畧握

薊州志

卷之七

衛所

二十四

篆者跡歷任守戎分鎮衛岑以戰功陞副將晉督

僉

黃陞薊州衛指揮使律身以禮待人以謙初司衛篆歷
陞都司軍士啣德後告老而歸

張承基薊州衛指揮使沉潛有大畧恂恂若儒生歷任都
司所在稱職與士卒同甘苦有古名將風

袁袞營州右屯衛指揮使資性剛明有果斷才歷薊州
守備陞遊擊鯁介招尤而歸

蔡一麟衛指峪撫綏士卒簡練有方致

疾告歸居鄉多長者之誼

按

薊州古稱幽州然疆域當廣濶不僅今之一州也唐時都督駐札已無可考明時薊遼總督亦駐密霜維戚繼光駐薊州今將歷代名大臣之有功于薊民彰彰在目前者亦採錄以冠卷首正以動後八之景慕云爾至舊志有蘇章一人今查乃冀州刺史非薊州故不錄自康熙四十一年至今州牧止登梁肯堂一人蓋非有實政在民不敢漫許也